



## Մ Ա Հ Ա Գ Ո Յ Ժ

ՄԵՃ. Պ. Բաղդալ Յ. Մուրատեանի  
Մուրատ անուամբ նորածաղիկ, զգու-  
նամիտ և անուշիկ զաւակն, որ սիրելի-  
էր ոչ միայն ծնողաց, այլ և ամեն ծա-  
նօթից և և տեսողաց, յանկարծահաս  
մահուամբ փոխեցաւ յաշխարհէս :  
Տագնապիչ ջերմաստն, բուռն գլխա-  
ցաւով հանդերձ, քանի մի օրուան մէջ  
թարչամեցոյց Մուրատեան Գերդաս-  
տանի այն սիրուն ծաղիկն, որ տակա-  
ւին նոր կը բացուէր կեանք և արեւ  
տեսնելու : Բժշկաց ամեն ճգունքն ա-  
պարդիւն եղան, և անմեղ մանկիկն  
Մուրատ, անմեղութեան թուիներով,  
թուաւ աշխարհիս տրտմութեան և  
ցաւոց հովտէն դէպ 'ի անմեղներու  
թագաւորութիւնն :

Յուզարկաւորութեան հանգէսն  
կատարուեցաւ քրիստոնէական սրբ-  
տաշարժ վայելութեամբ : Ս. Աթո-  
ռոյս մէջ գտնուած Միաբան Հարբ և  
Եղբարբ, գրեթէ ամենեքեան, ներկայ  
էին, ընդ նմին քաղաքիս հայազգի ժո-

ղովողեան մեծ մասն և և բաղմախիւ  
օտարականք :

Մանկան երկրաւոր մնացորդն ամ-  
փոփուեցաւ Ս. Փրկչայ գերեզմանա-  
տան մէջ, մերձ իւր արեւակցաց, ուր  
յառաջ քան ամիսօրումն Գամբանա-  
կան ճառ խօսեցաւ Գեր. Ներսէս Մ.  
վարդապետն, քրիստոնէական միա-  
թարութեամբ միխթարելով մանկան  
մահուամբ տրտմալներն, և շնորհա-  
կալութիւնն մատուցանելով բաղմա-  
թիւ օտարականաց, որք 'ի պատիւ  
Պ. Բաղդալին, առանց հրաւիրանաց,  
փութացած էին ներկայ գտնուիլ յու-  
ղարկաւորութեան և վշտակեցելով ա-  
մօքել ծնողաց սաստիկ կսկիճն ու մոր-  
մօքն :

Մուրատ մանկան մահուան ատ-  
թիւ Ս. Աթոռոյս միաբան Արժ.  
Մամբրէ վարդապետն եւս հետեւեալ  
ԵՂԵՐԴՆ զըրած է Յուպէէն, զոր ար-  
ժան կը համարեմք հրատարակել 'ի  
միխթարութիւն վշտահար սրտից :

Ի ՏԱՐԱԺԱՄ ՄԱՀ ՄՈՒՐԱՏԱՅ

ԴԵՌԱՀԱՍԱԿ ՈՐԴԻՈՅ

ՄԵԾ. ԲԱՍՔԱԼԱՅ Յ. ՄՈՒՐԱՏԵԱՆՅ

ԵՂԵՐԳ

ՄՈՒՐԱՅ, Մուրատ, մանուկ անմեղ, թոար սէր,  
Գթոս ծնողաց սրգեակ սիրուն, ինձ ձայն տուր,



Հարցումն ունիմ՝ պատասխանիդ կը սպասեմ,  
Խօսէ ազատ, հրեշտակ ճամբորդ տարադէմ:

Սուրառ, ինչո՞ւ թողիր այդպէս տարաժամ  
Քո Հայրենիքն եւ քո Յնողաց գրգարան.  
Մահն դաժան ի՞նչպէս առ քեզ մերձեցաւ,  
Ի՞նչպէս իլեց սիրոյ գրկէն եւ տարաւ:

Ծնողական գութն ու գորով եւ գգուանք  
Սյդչափ անզօր եղան, այդքան անատակ,  
Որ զքեզ մահուն ճերաններէն կորզելու  
Կարող չեղան, եւ իրենց գիրկ պահելու:  
Ճարտարարուեստ մեծ գիտութիւն բժշկաց,  
Կամ զօրութիւն դեղօրելոց դարմանաց  
Տկարացան արդեօք բուժել քո ցաւեր,  
Նիջուցանել տենդին կրակ տընաւեր:

Սուրան, որդեակ, անհամեմատ գեղեցիկ,  
Մանուկ կայտառ եւ մտացի ո՞վ գառնիկ,  
Սեւ սուգ պատեց համայն ձեր տուն գրացիք,  
Եւ սուգ առին գոգցես բոլոր Սաղիմիք:

Վաղամեռիկ քո անջատումն յաշխարհէ  
Դառն արտասուք շատ հոսեցուց աչքերէ.  
Լացին ամեն զքեզ տենող բարեկամք,  
Լացին ծանօթք, եւ անծանօթ իսկ օտարք:

Գերդաստանդդ նախկին սուգը չը մոռցած՝  
Ընկղմեցաւ նորէն ՚ի ծով թախծութեանց.  
Երկու տարի յառաջ սրգաց Քրօջդ մահ,  
Այսօր նորէն քո տարաժամ կ'ողջայ մահ:

Նախանձեցար Հռիփսիմէի մեծ փառքին  
Եւ ցանկալով նորա հանգիստ սուրբ կեանքին,  
Այս մեղսալից ցաւոց աշխարհն մերժեցիր,  
Անմահութեան խորանն ՚ի վեր փութացիր:

Կամ քո քոյրիկ թերեւս անչափ սիրելուն՝  
Կռեց ըզքեզ յերկինս ՚ի գունդ Սուրբերուն.  
Սուրբ Հրեշտակաց անմահ պարուն մէջ խառնել,  
Նոր Հրեշտակ մ'ալ ըզքեզ անոնց ընկերել:

Կամ թերեւս ձանձրացար դու յաշխարհէս  
Բայց աշխարհի գեռ ինչ լինելն ի՞նչ գիտես.  
Անմեղ հոգիդ արդեօք տեսա՞ւ այն վշտերն,  
Որ ապագայք քեզի համար պահած են:

Հոգիդ անմեղ այդքան շուտով ցանկացաւ  
Երկնից կեանքին, ուր ոչ վիշտ կայ եւ ոչ ցաւ,  
Ուր Յիսուսի գիրկն է հանգիստ փառաց դահ,  
Ուր կեանքն է միշտ երանաւէտ եւ անմահ:—

— Ահա՛ կը ղգամ, հոգիդ հոգւոյս կը խուսի,



Թէ մարդկան կեանքն ստուերի պէս կը խուսի .  
Մարդիկ ունին անշուշտ անգամ մի մեռնիլ ,  
Յետոյ արդար դատաւորին ներկայիլ :

Երանելի են որք երկրի չարութեան  
Համը չառած՝ կուգան յերկնից սուրբ խորան .  
Պայծառ հոգւով Աստուածային լուսոյ մէջ  
Կը վայելեն կեանք մի խաղաղ եւ անվերջ :

Բայց առաւել երանելի է ամեն մարդ ,  
Որ աշխարհի չարութեանց դէմ քաջայաղթ  
Մարտնչելով՝ արդար ու սուրբ զէնքերով ,  
Արիական մահով սլանայ Փրկչին քով :

Ուստի մի լայք անմխիթար զիս այդպէս ,  
Քաջ կռուեցէք դուք փորձութեանց դէմ պէս պէս .  
Կայէք Փրկչին Սուրբ Օրինաց միշտ հնազանդ ,  
Որ միանա՞նք օր մի այս տեղ լուսազարդ :

Թէ իմ ծնողք եւ ազգական բարեկամք  
Զիս կը սիրեն , սրտով ունին ինձ փափաք ,  
Թող Յիսուսի սիրով վառուած վարեն կեանք ,  
Որ հանդերձեալն անշուշտ զիրար հոս գտնանք :

Օրհնենք Տիրոջ փառքն ու հզօր յողթանակ ,  
Որ մահով մահն այսպէս ըրաւ խայտառակ :  
Իւր Սուրբ Կողի արեան ցողով կուտայ կեանք  
Անոնց , որ սուրբ եւ միշտ անմեղ ունին վարք : —

— Այդպէս ուրեմն , սիրուն որդեակ , քո մահուամբ  
Մեր սրտերուն լցուած ցաւօք տրտմութեամբ  
Մխիթարիչ կ'ուզես ըլլալ զերթ հրեշտակ .

Օրհնեալ ըլլայ , ա՛հ , միշտ Օրհնեալ Փրկչին կամբ :

Մխիթարիչ անմահ Աստուած , Սուրբ Հոգի ,  
Մանկան ծնողաց եւ ամենուս տուր հոգի  
Համբերութեան , խաղաղութեան եւ սիրոյ  
Որ համբերեմք օրհնելով կամբդ Աստուծոյ :

1875 . Սեպտեմբեր 6 .

Յոպպէ :

Մամբրէ վարդապետ

Յ . Մարկոսեան :